



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 3 Zakona o javnim preduzećima u Brčko distriktu BiH (Službeni glasnik Brčko distrikta BiH, brojevi 15/06, 5/07, 19/07, 1/08, 24/08, 17/16 i 7/18), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13) i Prijedloga odluke Upravnog odbora JP „Komunalno Brčko“ Brčko distrikt BiH broj: 01-00879/18, 02.02-64-JB-011 od 26. 4. 2018. godine, Skupština Brčko distrikta BiH na 30. redovnoj sjednici održanoj 23. maja 2018. godine, donosi

**ODLUKU**  
**O DOPUNI ODLUKE O OSNIVANJU JAVNOG PREDUZEĆA „KOMUNALNO BRČKO“ D. O. O.**  
**BRČKO DISTRIKT BOSNE I HERCEGOVINE**

**Član 1**

U Odluci o osnivanju Javnog preduzeća „Komunalno Brčko“ d. o. o. Brčko distrikt Bosne i Hercegovine (Službeni glasnik Brčko distrikta BiH, brojevi 20/07, 21/07, 24/08, 33/09, 8/11, 12/16, 48/16 i 39/17) (u daljem tekstu: Odluka) iza člana 20 dodaje se novi član 20a koji glasi:

**„Član 20a**  
**(Nadležnosti, ovlaštenja i odgovornosti zamjenika direktora)**

- (1) Direktor ima dva zamjenika direktora.
- (2) Zamjenici direktora pomažu direktoru u vršenju njegovih dužnosti i zamjenjuju ga u slučaju odsutnosti ili spriječenosti.
- (3) U slučaju odsutnosti ili spriječenosti direktora mijenja ga zamjenik kojeg direktor odredi.
- (4) Zamjenici direktora imaju sva prava, obaveze i odgovornosti direktora kada ga mijenjaju.
- (5) Zamjenici direktora za svoj rad odgovaraju direktoru i upravnom odboru.
- (6) Prava, obaveze i odgovornosti zamjenika direktora bliže se uređuju statutom Preduzeća, drugim općim aktima Preduzeća i ugovorom između upravnog odbora i zamjenika direktora.“

**Član 2**

Ova odluka stupa na snagu osmog dana od dana objavljivanja u Službenom glasniku Brčko distrikta BiH.

Broj: 01-02-397/18  
Brčko, 23. 5. 2018. godine

**PREDSJEDNIK**  
**SKUPŠTINE BRČKO DISTRIKTA BiH**  
**Esed Kadrić**

Dostavljeno:

1. Predsjedniku
2. Dopredsjedniku
3. Gradonačelniku
4. JP „Komunalno Brčko“ Brčko distrikt BiH (2x)
5. Sektoru za koordinaciju politika i opće poslove - Odsjeku za opće poslove
6. Arhivi